



Հաստատում եմ՝

Ավանդական բժշկության համալսարանի
ռեկտոր, ԳԽ նախագահ

Ն. Խ. Մարիբեկյան

« 12 » 03 2021թ.

**ԿԱՆՈՆԱԿԱՐԳ
ԱՎԱՆԴԱԿԱՆ ԲԺՇԿՈՒԹՅԱՆ ՀԱՄԱԼՍԱՐԱՆԻ
ԴԱՍԱՎԱՆԴՄԱՆ ՈՐԱԿԻ ԵՎ ԱՐԴՅՈՒՆԱՎԵՏՈՒԹՅԱՆ ՎԵՐԱԲԵՐՅԱԼ ՈՒՍԱՆՈՂԱԿԱՆ
ՀԱՐՑՈՒՄՆԵՐԻ**

1. Ընդհանուր դրույթներ

- 1.1. Սույն կարգը սահմանում է Ավանդական Բժշկության Համալսարանում (այսուհետ՝ ԱԲՀ) Մասնագիտության կրթական ծրագրերով նախատեսված դասընթացների արդյունավետության գնահատման հարցումների նպատակը, պահանջները, հարցումների անցկացման, արդյունքների մշակման և օգտագործման կարգը:
- 1.2. Հարցումներն անցկացվում են «Կրթության մասին» ՀՀ օրենքի և ԱԲՀ-ի ռազմավարության պահանջների հիման վրա:
- 1.3. Գանձնակարգը կիրառելի է ԱԲՀ-ի Ուսումնական մասի և Գիտխորհրդին կից Որակի ապահովման հանձնաժողովի կողմից նախաձեռնած հարցումների շրջանակում և համարվում է պրոֆեսորադասախոսական կազմի գործունեության արդյունավետությունը գնահատելու կարևոր բաղադրիչ:
- 1.4. Հարցումների նպատակն է՝ կատարելագործել կրթական գործընթացները և ապահովել որակյալ կրթություն:

2. Հարցաթերթիկի մշակման պահանջները

Հարցաթերթիկի մշակմանը ներկայացվող հիմնական պահանջներն են՝

- 1) հարցման նպատակի սահմանում,
- 2) հարցման բովանդակության համապատասխանություն Համալսարանի գործունեության նպատակներին և խնդիրներին,
- 3) մասնակցության գաղտնիություն,
- 4) հարցման գործընթացի համակարգվածություն և պարբերականություն,
- 5) պատճառահետևանքային կապեր հաստատող փակ և բաց հարցերի ներառում,
- 6) հարցման չափանիշների կիրառում:

3. Հարցման անցկացումը

- 3.1. Հարցումն իրականացվում է Ուսումնական մասի կողմից՝ քննաշրջանից անմիջապես հետո՝ ըստ նախապես հաստատված ժամանակացույցի¹:
- 3.2. Հարցումն անանուն է և անցկացվում է թղթային, ինչպես նաև առցանց տարբերակով:
- 3.3. Հարցումն իրականացվում է կուրսի/խմբի ուսանողների առնվազն երկու երրորդի մասնակցության պայմաններում՝ պահպանելով ժամանակացույցով սահմանված վերջնաժամկետները:
- 3.4. Սույն կանոնակարգին կից ներկայացվում է գնահատման հարցաթերթը (հավելված 1), որում ուսանողը պատասխանում է առաջադրված հարցերին, գնահատման սանդղակով արտահայտում իր համաձայնության (անհամաձայնության) աստիճանը:

4. Հարցման արդյունքների մշակումը, օգտագործումը և պահպանումը

- 4.1. Ուսումնական բաժնի կողմից անցկացված հարցման արդյունքները մշակվում են և վերլուծվում են գործընթացին ներգրավված ստորաբաժանումների, ուսխորհրդի ներկայացուցիչների և որակի ապահովման մասնագետի մասնակցությամբ: Այս նպատակով կարող է ստեղծվել 2-5 հոգուց բաղկացած աշխատանքային խումբ:
- 4.2. Հարցաթերթն ունի կարծիքների և առաջարկությունների բաժին, որի արդյունքները մշակվում և ներկայացվում են ընդհանրացված առաջարկությունների տեսքով:
- 4.3. Հարցաթերթում կատարված ուղղումները, ջնջումները, առցանց տարբերակում խոտանված պատասխանները չեն հաշվարկվում:
- 4.4. Վերլուծության արդյունքները ներկայացվում են ամբիոններին, Ուսխորհրդին՝ ծանոթանալու և երկու շաբաթվա ընթացքում բարելավման առաջարկություններ ներկայացնելու համար:
- 4.5. Որակի ապահովման և կրթության բարեփոխումների գծով պրոռեկտորը (ՈԱԿԲ պրոռեկտոր) մեկ ամսվա ընթացքում հրավիրում է նիստ, որտեղ քննարկվում են Հարցումների արդյունքները և մշակվում դասընթացների արդյունավետությանն ուղղված առաջարկություններ և խորհուրդներ:
- 4.6. Որակի ապահովման և կրթության բարեփոխումների գծով պրոռեկտորը մշակում է բարելավման գործողությունների ծրագիր, որտեղ նշվում են դրանց իրականացման ժամկետները, պատասխանատուները և ներկայացնում ԱԲՀ-ի ԳԽ-ի հաստատմանը:
- 4.7. Բարելավման գործողությունների ծրագրի նպատակային իրականացման նկատմամբ վերահսկողությունն իրականացնում է որակի ապահովման և կրթական բարեփոխումների ապահովման գծով պրոռեկտորը:

¹ Յուրաքանչյուր ուսումնական տարվա սկզբին Որակի ապահովման և կրթության բարեփոխումների գծով պրոռեկտորի և Ուսումնական մասի վարիչի կողմից կազմվում է Համալսարանում հարցումների անցկացման ժամանակացույց:

- 4.8. Հարցման արդյունքների վերաբերյալ տեղեկատվությունը հրապարակվում է ԱԲՀ-ի պաշտոնական կայքում:
- 4.9. Հարցաթերթերը և վերլուծությունները պահվում են 5 տարի՝ Ուսումնական մասում:

5. Եզրափակիչ դրույթներ

- 5.1. ԱԲՀ-ի հարցման կանոնակարգը հաստատում և դրանում փոփոխություններ ու լրացումներ է կատարում ԱԲՀ-ի Գիտական խորհուրդը:
- 5.2. Սույն կանոնակարգն ուժի մեջ է մտնում Գիտական խորհրդի կողմից հաստատվելուց հետո:

Դասավանդման որակի և արդյունավետության գնահատման հարցաթերթ

ԱԲՀ-ի հարգելի՛ ուսանող, Դուք մասնակցում եք դասավանդման որակի և արդյունավետության վերաբերյալ Ուսումնական մասի կողմից պարբերաբար անցկացվող ուսանողական հարցմանը: Ձեր անկեղծ և օբյեկտիվ գնահատականներն ու կարծիքները կնպաստեն ուսումնական գործընթացի արդյունավետ կազմակերպմանը:

Հարցումն անանուն է և ստացված տվյալները կօգտագործվեն միայն ընդհանրացված տեսքով: Խնդրում ենք Ձեզ՝ ուշադիր կարդալ և ամբողջությամբ լրացնել թերթիկը, որտեղ թվարկվում են անցյալ կիսամյակում Ձեզ դասավանդած բոլոր դասախոսների մանկավարժական որակները:

1. Նշեք Ձեր ֆակուլտետը _____ Կուրսը _____ Խումբը _____

2. Նշեք Ձեր սեռը

Արական

Իգական

Դասախոսությունների վերաբերյալ

Գնահատման չափանիշներ	Առարկայի անվանումը/ դասախոսի ազգանունը, անունը							
1. Դասախոսն ուսանողներին ներկայացնում է առարկայի նկարագիրն ամբողջությամբ, հստակ բացատրում է նպատակը, ակնկալվող արդյունքները								
2. Ներկայացնում է դասընթացի մեջ նյութի/թեմայի կարևորությունը								
3. Ապահովում է տրամաբանական կապը դասի նախորդ և հաջորդ թեմաների հետ								
4. Դասախոսը ժամանակը արդյունավետ է կազմակերպում ողջ դասընթացի ընթացքում								
5. Դասավանդման ընթացքում կիրառում է նորագույն տեխնիկական միջոցներ								
6. Դասավանդողն ուսանողին գնահատում է արդար ու թավանցիկ								

7.	Նյութը մատուցում է պարզ, հասկանալի և մատչելի								
8.	Դասախոսը հարց ու պատասխանի և այլ մեթոդների կիրառմամբ ապահովում է ուսանողների ներգրավվածությունը դասընթացում								
9.	Կիրառում է դասավանդման տարբեր մեթոդներ								
10.	Թեմայի ավարտին դասախոսը կատարում է ամփոփում՝ ներկայացնելով հաջորդ դասախոսությունը								
11.	Դասախոսը հարգալից վերաբերունք է ցուցաբերում ուսանողի նկատմամբ								
12.	Անհատական աշխատում է ուսանողների հետ								
13.	Դասավանդողը հնարավորություն է տալիս ուսանողներին իրեն դիմել լսարանից դուրս՝ դասընթացին առնչվող հարցերով								
14.	Օժանդակում է ուսանողին մասնագիտական գրականությունից օգտվելու և էլեկտրոնային նյութեր տրամադրելու հարցում								
15.	Դասի ընթացքում պահում է լսարանի կարգապահությունը								
16.	Կարողանում է հետաքրքրություն առաջացնել իր առարկայի նկատմամբ								
17.	Խրախուսում է ուսանողների խմբային աշխատանքը								
18.	Դասավանդողը անհրաժեշտ գիտելիքներ ունի առարկայից դուրս պատասխանելու ուսանողների հարցերին								
19.	Հետաքրքիր անձնավորություն է, նրանից կարելի է շատ բան սովորել								
20.	Գնահատեք դասավանդման լեզվին տիրապետելու կարողությունը								

3. Գործնական/սեմինար պարապմունքների համար

	Գնահատման չափանիշներ	Առարկայի անվանումը/ դասավանդի ազգանունը, անունը							
1.	Բացատրում է թեմայի նպատակը և ակնկալվող արդյունքները								
2.	Անհրաժեշտության դեպքում բացատրում է անվտանգության և այլ ընթացակարգային հարցեր								
3.	Դասի սկզբում հստակեցնում է գործնական/լաբորատոր պարապմունքի նյութը								

4.	Կիրառում է դասավանդման նորարարական մեթոդներ, հնարքներ								
5.	Կիրառում է ուսանողակենտրոն մեթոդներ ու մոտեցումներ (համագործակցային/ ինտերակտիվ, թիմային, անհատական և այլն)								
6.	Դասախոսն ապահովում է ուսանողների ներգրավումը քննարկումների մեջ								
7.	Ստեղծում է մրցակցային միջավայր								
8.	Գնահատում է սահմանված չափանիշներին համապատասխան								
9.	Դասի ավարտին պատասխանում է ուսանողների հարցերին								
10.	Դասին հատկացված ժամանակի կատարում								

4. Ի՞նչ կցանկանայիք, որ փոխվեր դասավանդման գործընթացում

Շնորհակալություն հարցմանը մասնակցելու համար